


菩薩遮尼乾子受記經

卷三

百五十大三

48277

小



元祿九年丙子二月日重脩

皇圖瓊圃 帝階綴昌

佛日增輝 慧輪常轉

山城州天安寺法金剛院置



薩遮及軋子受記經卷第三

大

元魏三藏 菩提留支 譯

詣嚴熾王品第四

尔時南天國大薩遮及軋子與八十八千万

及軋子俱遊行諸國教化衆生次第到於鬱

闍延城復有無量百千諸衆或歌或舞吹脣

唱嘯作百千万種種伎樂前後侍從大薩遮尼

軋子詣鬱闍延城尔時國王嚴熾大王聞大薩

遮及軋子衆從南天國與無量衆詣鬱闍延

城聞如是已即生尊重大薩遮及軋子心生

尊重心尊重已為欲迎大薩遮及軋子以大

王力王神通力王奮迅力與諸大臣及諸王



子受學師長合家眷屬國大長者諸小城邑
聚落土主象馬車步四部大眾前後導從恭
敬圍遶槌鍾鳴鼓作百千種無量伎樂打百
千種諸妙聲鼓吹百千種諸妙聲螺建百千
萬種種雜色繒蓋幢幡散百千萬種種妙華
優波羅華鉢頭摩華拘牟頭華芬陀利華阿
輸迦華薄拘羅華卑羅迦華阿提目多伽華
遍布道路金瓶銀瓶盛百千種諸雜妙華以
百千種諸寶香爐燒無價香直前而行詣薩
遮尼軋子處時大薩遮尼軋子遙見嚴熾王
與大眾來薩遮尼軋子見已下道在一樹下
敷座而坐時嚴熾王遙見薩遮在樹下坐即

下象輿步詣薩遮及軋子所坐摩尼寶百千
巧妙無價莊嚴如意寶床時大薩遮及軋子
問評於王作如是言善來大王王今善種無
上最勝希有功德福多不少何以故以王能
降伏豪尊貴重自在之心屈意卑下來詣沙
門問評起居大王於汝所治國內無諸盜賊
亡命群黨媯人民不無有諸官殘暴侵食諸
人民不無諸異乘姦僞矯詐欺誑世間諸人
民不無諸反叛媯亂國土諸人民不無諸偷
劫相竊盜不所在邊國諸官禁司無欺大王
不行王命不大王汝所治化國內所有沙門
修淨行人安樂住不衣服飲食房舍卧具疾

病湯藥資生所須一切之物不乏少不汝國
人民皆修善心尊重供養諸沙門衆淨行久
不大王汝今所治國內無諸屠獵羅網河岳
焚燒山澤放鷹走狗鉤刺魚鼈彈射禽獸作
諸坑陷毒箭機撥行殺害不大王汝今一國
之主制命自在教令善惡無敢違者汝登王
位所設教命無不善不國內人民所行善惡
汝悉知不能行善者汝勸進不行不善者汝
勸捨不大王汝身不起惡念加害一切二足
四足多足無足諸衆生不何以故大王當知
一切衆生有識之類寶重身命無不畏死至
於業對百年壽終莫問老少無一少分言應

去者何以故愛命重故何況加害而不生惱
命終之後更相怨嫉興惡相報無有窮已是
故大王汝當遠離殺生之罪捨離刀杖無起
害心大王汝今應當遠離偷盜之罪捨自資
生當生知足於他資生無起欲心大王汝今
應當遠離邪婬之罪自妻知足他妻無求無
起邪心大王汝今應當遠離妄語之罪常作
實語出言成法無發虛言大王汝今應當遠
離兩舌之罪無破壞語於已破者當念和合
無起壞心大王汝今應當遠離惡口之罪常
作愛語柔軟妙語無起麁語大王汝今應當
遠離綺語之罪常決定語憶念語無不正語

大王汝今應當遠離貪欲之罪於他受用無
希望心他所守護無生奪心生歡喜心大王
汝今應當遠離瞋恚之罪常生慈心清淨心
業無起恨心大王汝今應當遠離邪見之罪
見自業果隨順聖人而生正見無起異見何
以故殺生之罪能令衆生墮於地獄畜生餓
鬼若生人中得二種果報一者短命二者多
病偷盜之罪亦令衆生墮於地獄畜生餓鬼
若生人中得二種果報一者貧窮二者共財
不得自在邪淫之罪亦令衆生墮於地獄畜
生餓鬼若生人中得二種果報一者婦不受
語二者自妻爲他侵奪妄語之罪亦令衆生

墮於地獄畜生餓鬼若生人中得二種果報
一者常爲他人所謗二者常爲他人所誑兩
舌之罪亦令衆生墮於地獄畜生餓鬼若生
人中得二種果報一者得破壞眷屬二者得
弊惡眷屬惡口之罪亦令衆生墮於地獄畜
生餓鬼若生人中得二種果報一者不聞善
名二者常起鬪諍綺語之罪亦令衆生墮於
地獄畜生餓鬼若生人中得二種果報一者
得不敬重語二者言無定實不爲他樂貪欲
之罪亦令衆生墮於地獄畜生餓鬼若生人
中得二種果報一者不知足二者常生貪心
瞋恚之罪亦令衆生墮於地獄畜生餓鬼若

生人中得二種果報一者無安隱心二者常
念損害無有慈心邪見之罪亦令衆生墮於
地獄畜生餓鬼若生人中得二種果報一者
常生邪見家二者心常諂曲大王當知如是
無量無邊苦聚皆由十不善業集因緣故是
故大王汝莫放逸輕作惡業當觀諸法有爲
無常一切世間無可保者人命無常住少時
間勿生常想大王當觀劫初已來天尊王位
土地人民皆就無常無一在者當知此身甚
爲危脆如炎如響如影如電如水中月如鏡
中像如水聚沫如水上泡如芭蕉實如琢石
火如夢所見如山谷中暴水卒起遍滿溝澗

須臾過盡還就枯竭大王當知身命非實無
常亦尔俄尔零落就未來世不可免脫是故
大王莫恃現在當畏未來大王當知善惡果
報共相追逐如聲發響如影隨形無能免者
亦如連鎖不可斷絕莫輕作業自招重苦尔
時大薩遮尼軋子重說偈言

大王汝今當 莫作放逸行 若不捨諸惡
死必入地獄 以作惡行者 定入泥犁中
攝心不放逸 生天帝釋處 一切諸衆生
無不愛壽命 王若求長生 不應行殺害
大王知世人 辛苦集財寶 常憂不活命
不應起侵奪 以不侵奪故 生處常富足

若故侵損他

常生貧窮家

節已莫婬他

自妻生知足

是故妻愛已

不為他人侵

莫說虛妄言

常念依實語

實語生帝釋

妄語生餓鬼

常念離兩舌

和合破壞人

眷屬常雍穆

退此生梵天

出言莫麤獷

說令他樂聞

善語生天上

常聞美妙音

念離諸綺語

善思美妙言

報生天帝釋

諸天欽受教

若欲自利益

莫貪侵惱他

生貧來世報

錢財資五家

若不修慈悲

能行瞋害心

雖行諸善行

死入於泥犁

大王汝今當

應捨瞋恚癡

常慈悲衆生

莫行諸怒害

王當捨邪見

堅固正見心

常持清淨法

天中受樂身

比丘修梵行

汝當常供養

是故捨惡道

受樂於天上

尔時大薩遮尼軋子問訊王已爲嚴熾王說
不放逸十善業道相應法已默然而住

王論品第五

尔時國主嚴熾王聞大薩遮尼軋子所說正
法歡喜信受即時問訊大薩遮尼軋子言大
師仁慈而能遠涉遊化衆生道路多難不審
大師四大調和氣力安不衆生易化不諸弟
子衆如說行不幸蒙大師不恥我國今得奉
見聞說正法我心歡喜如見慈母如飢得食
如渴得水如裸得衣如貧得寶如熱得涼如

寒得火如盲得視如聾得聽如囚得赦如賤
得貴如迷得返如學逢師我心歡喜亦復如
是復作是言大師當知我從向來心自思念
正法難聞良師難遇人身難得諸根難具正
見難生信心難發合會難俱自在難逢太平
難值如是諸難我皆免離今遇大師如入大
海欲採珍寶得大寶渚我有所疑悉欲請問
唯願大師賜決所疑時大薩遮尼軋子告嚴
熾王言隨王所疑今悉可問我當爲王分別
解說除決所疑令王開解亦時嚴熾王見大
薩遮尼軋子聽許問已心生歡喜而發問言
大師何等生法何等住持於何法上而有此

名薩遮尼軋子言大王當知所言生者謂諸
衆生言住持者謂諸器世間言衆生者謂五
取陰聚名爲衆生以何等法名五取陰謂色
取陰聚受取陰聚想取陰聚行取陰聚識取
陰聚大王當知依此五法說名衆生說器世
間說衆生者謂攝四生卵生胎生濕生化生
說器世間者謂攝虛空地水火風王言大師
誰能護此一切衆生誰能護持此器世間答
言大王皆是衆生自業果報及王國主力能
護持王復問言大師云何自業果報能護衆
生荅言大王有諸衆生自業增上果報力故
而生勝處而彼衆生於一切物無悋護心不

生彼我自他之心一切所須資生之物不加
功力隨念具足盡其命任安隱快樂離鹿病
苦寒熱飢渴種種痛惱亦無惡心遞相加害
亦無欺誑虛妄之心聚落城邑七寶莊嚴常
行勝樂妙觸境界滿足千歲壽盡捨身而生
天上善道受樂如此所謂北鬱單越業護衆
生大王當知復有衆生依於自業果報力故
生勝妙處身有光明飛騰虛空處禪悅樂以
爲美食不入胎生壽命無量住世長遠如此
所謂劫初衆生大王當知復有衆生依自業
報過去功德勝因力故生世間中而知敬心
尊重父母及家尊長并諸沙門淨行人等以

爲福田常行善行作所應作畏於惡行常善
受持五戒八戒而行布施集諸福德此謂劫
初第二時中善根衆生大王當知今時衆生
善根滿足不起諸惡是故世間未立王法如
是名爲自業果報能護衆生

王言大師如是業護我已知竟云何名爲國
主王力能護衆生答言大王諸王衆生是衆
生主而彼主力能護衆生王言大師彼諸王
等何故名王答言大王王者民之父母以能
依法攝護衆生令安樂故名之爲王大王當
知王之養民當如赤子推乾去濕不待其言
何以故大王當知王者得立以民爲國民心

不安國將危矣是故王者常當憂民如念赤子不離於心當知國內人民苦樂以時按行知水知旱知風知雨知熟不熟知豐知儉知有知無知憂知喜知老知少知病不病知諸獄訟知有罪知無罪知輕知重若於諸王子大臣諸官知有功者知無功者如是知者名不離心大王當知王於國內如是知已以力將護所應與者及時給與所應取者念當籌量役使知時不奪民利禁肅貪暴民得安樂是名攝護名之爲王

大王當知王有四種一者轉輸王二者少分王三者次少分王四者邊地王轉輸王者有一

種轉輪王謂灌頂刹利統四邊畔獨尊最勝
護法法主彼轉輪王七寶具足何等七寶一
者夫人寶二者摩尸寶三者輪寶四者象寶
五者馬寶六者大臣寶七者主藏寶彼轉輪
王如是七寶具足成就遍行大地無有敵對
無有怨刺無有諸惱無諸刀杖依於正法平
等無偏安慰降伏王言大師云何名為轉輪
聖王統四邊畔荅言大王以王四天下得自
在故王言大師云何名為獨尊最勝荅言大
王所出教令無違逆故王言大師云何護法
荅言大王修十善法不令邪法殺生等壞名
為護法王言大師云何法王荅言大王轉輪

聖王以十善道化四天下悉令受持離十惡業行十善道具足成就名爲法王王言大師彼轉輪王依何因得第一夫人寶云何成就荅言大王轉輪聖王依離瞋心不善業故得夫人寶與已相對受最勝樂名爲成就云何名爲受最勝樂大王當知彼轉輪王夫人身中常出無價栴檀妙香口中常出優鉢羅華無價之香身觸柔軟如迦陵伽鳥迦陵伽鳥在大海渚彼諸衆生若有觸彼迦陵伽鳥者即得遠離身諸疲勞亦離飢渴并諸憂惱受最第一無極快樂轉輪聖王見彼夫人所受快樂亦復如是大王當知彼夫人身寒時能

暖熱時能涼世間無人手能觸彼夫人身者
何以故以離貪心不善業道依善根因故一
切衆生觀察敬重如母如女如姊妹故而彼
夫人於轉輪王生三種心何等爲三一者心
常尊奉於王不生異心二者心常恭敬於王
三者心常念轉輪王何以故以王能離貪心
垢故復次大王轉輪聖王夫人寶者離於人
女五種惡法何等爲五一者離於女人無志
輕躁之心二者離貪餘男子心三者離於慳
嫉妬心四者離於非處起貪顛倒之心五者
轉輪聖王命盡彼亦俱盡復次大王彼夫人
寶有五種功德何等爲五一者知念不違王

心二者能生千子具足三者自然性尊豪貴
四者能令任處具足一切資生五者若王與
諸女人受欲樂時不起嫉妬瞋恨惡心復次
大王彼轉輪王夫人成就三種功德何等為
三一者離惡口二者離邪見三者若王餘行
不在五欲境界不能動心大王當知轉輪聖
王夫人捨身生於天上何以故以離貪嫉故
如是名為轉輪聖王夫人功德今王受於最
勝上樂王言大師轉輪聖王依何因得彼摩尼
寶答言大王轉輪聖王依離瞋心不善業故得
彼第二摩尼珠寶得受最勝光明資生無上
樂故云何最勝大王當知轉輪聖王摩尼珠寶

有八種功德何等爲八第一功德者彼摩尼寶於夜黑闇放大光明如秋滿月光明能照一百由旬至於夏日衆生患熱以摩尼寶放光觸身得清涼故第二功德者轉輪聖王若行曠野無水之處衆生飢渴時摩尼寶即放八味具功德水充足飢渴第三功德者轉輪聖王有所須者一切皆從摩尼寶出第四功德者彼摩尼寶有八楞相一一楞中出種種光謂青黃赤白玻瓈紅紫第五功德者彼摩尼寶在所能令一百由旬所有衆生皆離病苦常得定心所作善業無空過者第六功德者彼摩尼寶所住境界無諸惡龍能放毒氣

電風惡雨傷害衆生第七功德者一切山川
谿谷溝澗泉水乾竭悉令還復樹林草木華
果枯悴能令滋茂鉢頭摩等池水華林一切
具足第八功德者彼摩尸寶所在之處人民
無有疾疫諸毒非時死者至於畜生虎狼師
子蛇鼠猫狸鷹鷄之類相食噉者不起害心
復次大王轉輪聖王千子滿足身體洪壯勇
猛雄桀降伏世間隨順王命能護大法隨順
法行心能慈愍一切衆生是名轉輪聖王摩
尸寶用今王得受最上勝樂

王言大師轉輪聖王依何因得第三輪寶答
言大王轉輪聖王依離瞋心不善業故得彼

輪寶所往之處自然降伏得大勝樂王言大
師云何名爲得大勝樂大王當知轉輪聖王
所有輪寶具足能有五種功德何等爲五一
功德者彼輪寶體純閻浮檀金具足千輻廣
五由旬顯現世間如第二日輪二功德者彼
輪寶去飛騰虛空無能障礙一日能行八千
由旬三功德者隨順轉輪王心中所念詣四
天王行四天下南閻浮提西瞿耶尼北鬱單
越東弗波提時彼輪寶隨王念處即飛虛空
在前而去依彼輪力四兵象馬及車步等一
切悉皆飛騰而去四功德者所有不伏轉輪
王者王若心念而彼輪寶隨所念處即飛而

去悉令降伏五功德者彼輪寶勢無有敵對
一切小王見者降伏以轉輪王依法修行離
瞋心故是名轉輪聖王輪寶之用今王受於
最勝大樂王言大師轉輪聖王依何因得第
四象寶答言大王轉輪聖王依離瞋心不善
業故得於象寶受於第一最勝乘樂王言大
師云何名爲最勝乘樂大王當知彼大象寶
猶如良馬調伏柔軟隨自在用降伏他國七
支善住所謂四足首及陰尾是七種支善住
大力力能堪敵凡象千數白如凝雪譬如帝
釋伊羅鉢羅象一切凡象無能現前來麝香
者大王彼象能於三處有自在用所謂虛空

水中陸地大王彼象能速疾行一日三市行
閻浮提大王當知彼轉輪王乘象王者彼時
象王心與王同隨王念處即從而去行步平
正猶如鵝王不疾不遲不曲不戾凡人中行
不令驚怖乃至女人有摩觸者心不瞋燒至
鬪戰時極能現大兇害之相不可侵近行住
坐卧眠食拘繫一絲能制牽挽去住隨順無
違是名轉輪聖王象寶之用今王受於最勝
乘樂王言大師轉輪聖王依何因得第五馬
寶荅言大王轉輪聖王依離瞋心不善業故
得彼馬寶受最迅疾第一乘樂王言大師云
何迅疾大王當知彼馬寶者色白如彼拘牟

頭華天旋輪文遍滿身相不大不小不高不
下身體正足心性柔軟善能調伏如帝釋王
婆羅何馬隨意去住一日三遍行閻浮提無
疲勞想大王當知如是名爲轉輪聖王馬寶
之用令王受於第一迅疾上勝乘樂

王言大師轉輪聖王依何因得第六大臣寶
答言大王轉輪聖王依離瞋心得大臣寶令
王閑遊得受第一無事勝樂王言大師云何
無事第一勝樂大王當知彼大臣者代王理
政一如王心憂國忘身不營私務念護百姓
如養雙目隨王所念如念即辦不礙不著修
行正道離於非法隨時隨處不行惱害正依

王命行十善法不違善行不違如法不違如
法義皆能具足大王當知如是名爲轉輪聖
王大且寶用令王得受第一勝樂王言大師
轉輪聖王依何因得第七主藏寶答言大王
轉輪聖王依離瞋心不善業故得主藏寶滿
王願心安隱受樂王言大師云何滿足安隱
受樂大王當知彼主藏寶有大功德一切諸
山深澗幽谷曠野川澤丘陵埠阜坑坎高下
不平之處能以金剛寶因陀羅寶摩羅迦多
寶馬瑙寶等一切珍寶以用填滿而寶不盡
何況金銀琉璃玻瓈不在數者彼主藏寶心
常歡喜無諂曲相無異心相不生他惱一切

見者心皆歡喜大在當知如是名爲轉輪聖
王主藏寶用今王滿足一切願樂大王當知
轉輪聖王具足如是七寶用故王四天下及
諸龍王二種天王謂四天王三十三天共帝
釋分座而坐以依離一瞋恨惡心不善業道得
如是等七寶具足受用勝樂何況具足行十
善道大王當知轉輪聖王復有七種名爲濡寶
所有功德少前七寶具何等爲七一者劍寶二
者皮寶三者牀寶四者園寶五者屋舍寶六
者衣寶七者足所用寶王言大師云何轉輪
聖王第一劍寶有何等用大王當知彼劍寶
者轉輪聖王所王國內若有心念違王命者

時彼劔寶即從虛空飛往詣彼彼諸小王見
即降伏拜問劔寶而彼劔寶不起殺心害衆
生心是名轉輪聖王劔寶功德一切國土不加
刀杖自然隨順大師云何轉輪聖王第二皮寶
大王當知彼轉輪王所有皮寶者海龍王皮出
大海中大海寶王所持奉獻轉輪聖王彼皮
寶身廣五由旬長十由旬體淨鮮潔光曜白
日火燒不焦水漬不爛猛風摧岳吹不能動
體含溫涼能却寒熱隨王去處皮寶亦去而
彼皮寶隨轉輪王所有士衆滿十由旬遍覆
其上能作屋舍充足一切人衆所居而彼人
衆各得別屋不相妨礙是名皮寶功德之用

大師云何轉輪聖王第三牀寶大王當知彼
轉輪王所有牀寶立能平正安隱不動不高
不下不廣不狹不長不短不埤不埳不堅不
軟不澀不滑柔軟得所若王入禪坐彼牀寶
即入解脫禪定三昧若王欲起貪瞋癡心坐
彼牀寶即時俱滅女人見王坐寶牀者即皆
得離貪瞋癡心是名牀寶功德之用大師云
何轉輪聖王第四園寶大王當知彼轉輪王
若欲入於禪定之時入彼園中即得定心若
王欲受五欲樂時入彼園中依王所行善業
功德諸天界中所有可樂華果諸鳥泉水流
水池水河水伎樂歌舞戲樂之具於彼天中

自然隱沒現於王前時轉輪王亦如諸天受
諸欲樂是名園寶功德之用大師云何轉輪
聖王第五舍寶大王當知彼轉輪王若入彼
屋欲見日月及諸星宿即彼屋內一切悉見
及天宮殿所有種種殊異珍玩悉見無礙彼
諸天中所作伎樂屋中悉聞即離憂惱一切
疲勞於睡眠中極受快樂於其睡中夢見種
種希妙瑞相寒時暖風柔軟香美熱時涼風
清冷適悅受快觸樂夜二分眠第三分起遠
離睡眠起受法樂第四分中說法教化是名
舍寶功德之用大師云何轉輪聖王第六衣
寶大王當知彼轉輪王所有衣寶無如世間

絹布絲縷縱橫文章第一柔軟一切塵垢不能點汗著彼寶衣即離寒熱飢渴病瘦憂惱疲極大王當知而彼衣寶火不能燒刀不能割水不能爛是名衣寶功德之用大師云何轉輪聖王足所用寶大王當知轉輪聖王足所用寶者所謂靴等若王著者涉水不沒如行陸地入火不燒如清涼池王欲遊行步受戲樂雖復遠行百千由旬不覺疲極是名足寶功德之用大王是名轉輪聖王七種軟寶是十善中少分習氣功德果報非正具足十善業道王言大師云何名爲遍行大地無有敵對云何名爲無有諸刺云何名爲無有

諸惱云何名爲無有刀杖云何名爲依於正
法云何平等云何名爲安慰降伏答言大王
遍行大地無敵對者以遍大地得自在故無
諸刺者以無惡對怨敵刺故無諸惱者不以
強力威逼人故無刀杖者離於刀杖不行損
害故依正法者以離非法貪瞋癡使行於正
法化愚闇故平等者等慈衆生如念一子不
偏護故安慰降伏者餘王衆生各各住處不
移不奪安隱住故何以故大王當知轉輪聖
王王四天下彼時彼處所有城邑有諸小王
彼諸小王迎轉輪王而作是言大王當知此
諸大地如是安隱如是滿足如是大豐如是

大樂如是無病衣服飲食自然而得無諸苦
惱多諸衆生人民象馬一切滿足皆是大天
聖王所有隨王受用我等隨順大王教命無
敢違逆時轉輪王告諸王言汝諸王等各安
汝國我來爲汝不爲國土汝等當依正法行
化莫依邪法依平等心莫依偏心汝等國內
若邪法起速除滅者是順我命名愛汝國若
不除滅我當與汝極大重罪大王當知如是
名爲轉輪聖王護諸衆生諸小王者謂少分
王次小分王邊地王彼三種王隨順轉輪聖
王教令大王當知如是名爲大地國主王化
衆生王言大師諸餘小王依何等法治國養

民得為如法答言大王諸小王等依王論法
 以道治國護諸衆生除轉輪王何以故轉輪
 聖王出在世時彼時衆生離諸不善惡貪法
 心離顛倒貪心離邪見心彼彼諸國無有非
 法屠獵師等何以故依法王法明識罪福心
 不迷悶不疑於法動則合理不生過非故大
 王當知如是名為轉輪聖王依自業力功德
 護持於彼世時諸小王論一切不行

薩遮尼乾子受記經卷第三

大

唱嘯

下蘇

搥

直追

蠶

正作

繒

白陵

輿

音余

一

訖

音

媯

奴鳥

矯

居小

叛

音

豬

猪字

彈射

上

信

一

黃

逆

反

反

反

反

反

同

徒

旦反
時夜反
境陷去聲
威字
機撥下合作
惔望上音

音危脆歲反
沫音未
泡拖音
球音卓
溝澗上反
古

去聲
特市音
鎖蘇果
雍穆下音
紆容反
獠俱猛
裸反

即果
赦舍音
渚之與
籌量上直
疲音皮
躁則到

反蒲角
悴悴二同
慈
猫狸上莫交反
一
音苗下力之

反雄
桀列反
輻福音
凝反魚陵
鼻許救
戾乘

反兇
牽挽下音
塹阜下音
婦反
坑坎下音
苦

音田
濡軟音
漬在智
爛郎且
摧反目
催埤反
頻弥

反徒
結
滑反
勢入
玩音
鞞反
兄科反
逼彼力

獵良輒

